



15
897

Broj: 13-03/1-04-57021-41-1/26
Sarajevo, 11.03.2026. godine

SKUPŠTINA KANTONA SARAJEVO ✓
Služba za skupštinske poslove
- O v d j e -

KANTON SARAJEVO
Stručna služba Vlade
- O v d j e -

Zastupnica Sebija Izetbegović je na 28. Radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila je zastupničku inicijativu kojom, između ostalog, „traži da Ministarstvo za odgoj i obrazovanje i Ministarstvo za rad, socijalnu politiku, raseljena lica i izbjeglice Kantona Sarajevo dostavi detaljan Izvještaj o realizaciji Posebnog programa Vlade Kantona Sarajevo za unapređenje inkluzije u Kantonu Sarajevo, u kojem je potrebno da se detaljno navede:

- Koje su konkretne aktivnosti do sada provedene u skladu sa Odlukom,
- Koji su ostvareni rezultati u pogledu uspostavljanja sistema rane intervencije,
- Koji su izazovi i prepreke u realizaciji Programa.“

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je navedena inicijativa zastupnice Sebije Izetbegović, a koja je sa pažnjom razmotrena u okviru ovoga ministarstva, te na osnovu podataka sa kojima raspolaže ovo ministarstvo i podataka dostavljenih iz KJU „Porodično savjetovalište“, dostavljamo slijedeće odgovore:

Radna grupa za izradu Posebnog programa Vlade Kantona Sarajevo za interesorno unapređenje inkluzije u Kantonu Sarajevo i realizaciju i praćenje provedbe aktivnosti imenovana je rješenjem Vlade Kantona Sarajevo koje je objavljenu u Službenim novinama Kantona Sarajevo broj: 12/22. Nadalje na sjednici Vlade Kantona Sarajevo, održanoj 14.04.2022. godine donesena je Odluka o usvajanju Posebnog programa Vlade Kantona Sarajevo za unapređenje inkluzije u Kantonu Sarajevo broj: 02-04-15900-47/22.

Imajući u vidu da je u ime Ministarstva za rad, socijalnu politiku, raseljena lica i izbjeglice Kantona Sarajevo članica ove radne grupe bila uposlenica KJU „Porodično savjetovalište“, podatke



o realizaciji o konkretnim aktivnostima koje su provedene shodno ovom programu smo zatražili od navedene ustanove i iste dostavljamo u nastavku.

Posebni program Vlade Kantona Sarajevo za unapređenje inkluzije u Kantonu Sarajevo sadrži ukupno 28 različite aktivnosti i u nastavku će se dati osvrt na one aktivnosti za čiju je realizaciju zaduženo ovo ministarstvo, a imajući u vidu informacije koje je zatražila zastupnica Izetbegović.

U okviru aktivnosti 5. - Uspostaviti sistem rane intervencije realizirano je slijedeće: izvršene su izmjene i dopune Pravilnika o radu KJU „Porodično savjetovalište“, formirano je Odjeljenje za prevenciju i ranu intervenciju, formiran je Tim za ranu intervenciju i rad sa porodicom, uposleno je 5 novih stručnjaka (pedagog, psiholog, socijalni radnik/psihoterapeut), uvedena je evidencija korisnika (matična knjiga i individualni karton korisnika), uspostavljena je interna baza podataka korisnika usluge. Nadalje su realizirane promotivne aktivnosti i provedeno je informisanje javnosti o usluzi rane intervencije.

Što se tiče operativne realizacije navedenog u periodu 2023.-2025. godina realizirano je slijedeće: usluga rane intervencije pružena za 63 roditelja djece s teškoćama u razvoju, realizirano 60 savjetodavnih i edukativnih intervencija (individualni i grupni rad), potpisani su protokoli o saradnji sa slijedećim udruženjima: Kolibri, Dajte nam šansu i Život sa Down sindromom. Također, realizirane su i zajedničke aktivnosti psihosocijalne podrške, a kontinuirano su realizirana predavanja i edukacije u javnim i privatnim predškolskim ustanovama u Kantonu Sarajevo radi podizanja svijesti kod roditelja i odgajatelja o važnosti rane identifikacije i upućivanja porodica u sistem podrške.

U okviru aktivnosti 6. - Unapređenje usluge posredovanja i zapošljavanja Službe za zapošljavanje KS za osobe s invaliditetom realizirano je slijedeće: izvršena je obuka uposlenika JU „Služba za zapošljavanje Kantona Sarajevo“ i Klubova za traženje posla iz oblasti ljudskih prava osoba s invaliditetom. Ova aktivnost je provedena u sklopu projekta Inkluzivno zapošljavanje osoba s invaliditetom čiji je nositelj Udruženje Život sa Down sindromom FBiH u partnerstvu sa Federalnim zavodom za zapošljavanje. Kada su u pitanju biroji za zapošljavanje ove ustanove u realizaciji su učestvovali biroji: Novo Sarajevo, Novi Grad, Vogošća i Stari Grad. U trodnevnom programu obuke “Program inkluzivne usluge u procesu posredovanja i zapošljavanja osoba s invaliditetom” učestvovali su savjetodavci iz navedenih biroa. Nadalje je provedena analiza usklađenosti internih akata sa UN Konvencijom o pravima osoba s invaliditetom, otklonjene su uočene neusklađenosti u procedurama, izvršena je analiza stanja osoba s invaliditetom na evidenciji Službe, a osobe s invaliditetom formalno su definisane kao posebna ciljna grupa. Također, u okviru realizacije ove aktivnosti otvorena je posebna programska linija za teško zapošljive kategorije, uključujući osobe s invaliditetom (Program sufinansiranja zapošljavanja teško upošljivih kategorija nezaposlenih osoba kojim su obuhvaćene i osobe s invaliditetom), te su realizirane i aktivnosti inkluzivnog zapošljavanja u saradnji sa partnerima (uvidom u Statistički izvještaj o zapošljavanju osoba sa invaliditetom vidljivo je smanjenje broja nezaposlenih u odnosu na 2022. godinu, oko 60 osoba sa određenim invaliditetom je zaposleno u periodu 2022-2025).

U okviru aktivnosti 11., 15. i 28. - realizirano je slijedeće: osigurano je učešće člana Radne grupe ispred ovog ministarstva u radu navedene radne grupe, uspostavljena je koordinacija člana Radne grupe sa Ministarstvom za odgoj i obrazovanje Kantona Sarajevo i Ministarstvom zdravstva Kantona Sarajevo. Osim toga, provedene su promotivne i informativne aktivnosti usmjerene ka senzibilizaciji javnosti na ovu temu, te je uspostavljena jača saradnja sa organizacijama civilnog društva.



Ako posmatramo realizaciju Posebnog programa sa aspekta nadležnosti Ministarstva za rad, socijalnu politiku, raseljena lica i izbjeglice Kantona Sarajevo, a prema mišljenju članice ove radne grupe delegirane ispred ovog ministarstva, postignuto je slijedeće: institucionalno je uspostavljen sistem rane intervencije u okviru sistema socijalne zaštite Kantona Sarajevo, uspostavljen je operativno funkcionalan Tim za ranu intervenciju, uspostavljen je sistem evidencije i praćenja korisnika, povećana je dostupnost savjetodavne i psihosocijalne podrške roditeljima. Nadalje, uspostavljena je funkcionalna mreža saradnje sa udruženjima i predškolskim ustanovama, ojačane su kompetencije kadra JU „Služba za zapošljavanje Kantona Sarajevo“ za rad sa osobama s invaliditetom, ove osobe su formalno prepoznate kao ciljna grupa u programima zapošljavanja, te je unaprjeđena međuresorna povezanost sektora socijalne zaštite, obrazovanja i zapošljavanja.

Što se tiče finansijskog aspekta realizacije Posebnog programa dostavljamo slijedeće informacije:

U okviru realizacije Posebnog programa **aktivnosti 5. - Uspostaviti sistem rane intervencije**, KJU „Porodično savjetovalište“ je u decembru 2022. godine izvršilo izmjenu Pravilnika o sistematizaciji radnih mjesta. S tim u vezi, u toku 2023. godine obezbijedena su finansijska sredstva za zapošljavanje novih 5 uposlenika, neophodnih za nesmetano funkcionisanje navedene aktivnosti. Sredstva su utvrđena na osnovu realnih potreba koje iziskuje početak i kontinuirano provođenje usluge „Rana intervencija“, a ukupan iznos potrebnih sredstava iznosio je 182.180,00 KM.

Sredstva namijenjena za projekat raspoređena su na bruto plaće i naknade zaposlenih na slijedeći način.

Ekonomski kod	Opis	Potrebna sredstva (KM)
611000	Bruto plaće i naknade zaposlenih	145.000,00
611211	Prevoz na posao i s posla	3.180,00
611221	Topli obrok	17.750,00
611224	Regres za godišnji odmor	4.250,00
612000	Doprinosi poslodavca i ostali doprinosi	12.000,00
UKUPNO		182.180,00

U nastavku je pregled dodatnog sufinansiranja Posebnog programa i podrške po godinama

2022. godina Budžet Kantona Sarajevo - Edukaciju uposlenika u okviru programa „Rana intervencija“, usmjerena na podršku porodicama djece s teškoćama u razvoju. - 640,00KM.

2023. godina Transfer - Nabavka kompjuterske opreme (5 kompletnih računara) - 4.978,00 KM.

2024. godina Transfer - Sufinansiranje edukacije za uposlenike Sufinansiranje kotizacije za Kongres psihoterapeuta - 3.272,90 KM i Budžet Kantona Sarajevo za nabavku kombi vozila (kreditno zaduženje) - 50.000,00 KM.

2025. godina Budžet KJU „Porodično savjetovalište“ obezbijedeno putem preraspodjele sredstava sa pozicije budžetskih sredstava Ministarstva za rad, socijalnu politiku, raseljena lica izbjeglice Kantona Sarajevo - 50.000,00 KM za nabavku kombi vozila i Transfer: 2.425,00 - Sufinansiranje edukacije za zaposlenike KJU „Porodično savjetovalište“.

Ukupna finansijska sredstva uložena u realizaciju aktivnosti 6 - Uspostaviti sistem rane intervencije uključujući troškove za upošljavanje 5 zaposlenika (zaposleni na neodređeno vrijeme), nabavku kompjuterske opreme, edukaciju uposlenika, te nabavku kombi vozila, iznose ukupno 293.495,90KM.

U konačnici ističemo da je KJU „Porodično savjetovalište“ u proteklom periodu, paralelno sa normativnim i organizacionim uspostavljanjem usluge rane intervencije (izmjene i dopune Pravilnika o radu KJU „Porodično savjetovalište“, zapošljavanje stručnog kadra, obezbjeđivanje neophodnog



materijala i tehnike za implementaciju usluge rane intervencije), značajan dio svog kapaciteta usmjerila na neposredan rad s porodicama i snažno prisustvo u lokalnoj zajednici kroz rad na terenu.

Posebno značajnim smatramo činjenicu da su u procesu uspostavljanja i razvoja sistema rane intervencije prepoznati izazovi koji su karakteristični za razvoj novih sistemskih usluga, posebno u kontekstu rastućih potreba ovih porodica i djece u Kantonu Sarajevo.

Prilog: Akt KJU „Porodično savjetovalište“ 01-45-206.2/26 od 16.02.2026. godine

S poštovanjem,

Pripremila: Smaragda Lučkin, šef Odjeljenja
Kontrolisao: Miralem Dedović, pomoćnik ministricice
Sekretarka Ministarstva: Amira Gackić

Dostavljeno:

1. Naslovu,
2. a/a.





Broj: 01-45-206.2 /26
Sarajevo, 16.02.2026. godine

PRIMLJENO: 18-02-2026

Organizacija	Redni broj	Broj priloga
13	04	58637-50

KS

KANTON SARAJEVO
MINISTARSTVO ZA RAD, SOCIJALNU POLITIKU,
RASELJENA LICA I IZBJEGLICE

Predmet: Odgovor na zastupničko pitanje –dostavlja se

Poštovani,

I

Vežano za zastupničko pitanje zastupnice Sebije Izetbegović, sa 28. radne sjednice Skupštine Kantona Sarajevo, u nastavku dostavljamo traženu informaciju kako slijedi:

U skladu sa zastupničkom inicijativom u vezi realizacije Posebnog programa Vlade Kantona Sarajevo za unapređenje inkluzije, Ministarstvo za rad, socijalnu politiku, raseljena lica i izbjeglice Kantona Sarajevo, putem KJU „Porodično savjetovalište“ i u saradnji sa Službom za zapošljavanje KS, dostavlja sljedeće informacije:

1. Konkretni aktivnosti provedene u skladu sa Posebnim programom

Aktivnost 5 – Uspostava sistema rane intervencije

1. Izvršene izmjene i dopune Pravilnika o radu KJU „Porodično savjetovalište“;
2. Formirano Odjeljenje za prevenciju i ranu intervenciju;
3. Formiran Tim za ranu intervenciju i rad sa porodicom;
4. Uposleno 5 novih stručnjaka (pedagog, psiholog, socijalni radnik/ psihoterapeuta);
5. Uvedena evidencija korisnika (matična knjiga i individualni karton korisnika);
6. Uspostavljena interna baza podataka korisnika usluge;
7. Realizirane promotivne aktivnosti i informisanje javnosti o usluzi rane intervencije.

Operativna realizacija (2023–2025):

Usluga rane intervencije pružena za 63 roditelja djece s teškoćama u razvoju;

Realizirano 60 savjetodavnih i edukativnih intervencija (individualni i grupni rad);

Potpisani protokoli o saradnji sa udruženjima: „Kolibri“, „Dajte nam šansu“, „Život sa Down sindromom“ Sarajevo;

Realizirane zajedničke aktivnosti psihosocijalne podrške:

Kontinuirano provedena predavanja i edukacije u javnim i privatnim predškolskim ustanovama u KS radi podizanja svijesti kod roditelja i odgajatelja o važnosti rane identifikacije i upućivanja porodica u sistem podrške.

Aktivnost 6 – Unapređenje usluge posredovanja i zapošljavanja osoba s invaliditetom

Služba za zapošljavanje KS realizirala je sljedeće aktivnosti:

1. Izvršena obuka uposlenika Službe i Klubova za traženje posla iz oblasti ljudskih prava osoba s invaliditetom. Ova aktivnost je provedena u sklopu projekta Inkluzivno zapošljavanje osoba s invaliditetom čiji je nositelj Udruženje Život sa Down sindromom FBiH u partnerstvu sa Federalnim zavodom za zapošljavanje. Kada su u pitanju biro i za zapošljavanje Zavoda za zapošljavanje KS učestvovali su: Biro Novo Sarajevo, Novi grad, Vogošća i Biro Stari grad. U trodnevni program obuke "Program inkluzivne usluge u procesu posredovanja i zapošljavanja osoba s invaliditetom" učestvovala su savjetodavci iz navedenih biroa.
2. Provedena analiza usklađenosti internih akata sa UN Konvencijom o pravima osoba s invaliditetom;
3. Otklonjene uočene neusklađenosti u procedurama;
4. Izvršena analiza stanja osoba s invaliditetom na evidenciji Službe;
5. Osobe s invaliditetom formalno definisane kao posebna ciljna grupa;
6. Otvorena posebna programska linija za teško zapošljive kategorije, uključujući osobe s invaliditetom. Zavod za zapošljavanje KS u 2022 godini je otvorio novu liniju podrške u zapošljavanju: Program sufinansiranja zapošljavanja teško upošljivih kategorija nezaposlenih osoba kojim su obuhvaćene i osobe s invaliditetom.
7. Realizirane aktivnosti inkluzivnog zapošljavanja u saradnji sa partnerima (Uvidom u statistički izvještaj o zapošljavanju osoba sa invaliditetom vidljivo je smanjenje broja nezaposlenih u odnosu na 2022.godinu (oko šezdeset osoba sa određenim invaliditetom je zaposlene u period 2022-2025).

Aktivnost 11, 15 i 28 – Interresorna saradnja i senzibilizacija

- Učešće u radu Interresorne radne grupe;
- Koordinacija sa Ministarstvom za odgoj i obrazovanje i Ministarstvom zdravstva;
- Promotivne i informativne aktivnosti usmjerene ka senzibilizaciji javnosti;
- Jačanje saradnje sa organizacijama civilnog društva.

2. Ostvareni rezultati

Realizacijom navedenih aktivnosti postignuto je:
Institucionalno uspostavljen sistem rane intervencije u okviru sistema socijalne zaštite KS;
Operativno funkcionalan Tim za ranu intervenciju;
Uspostavljen sistem evidencije i praćenja korisnika;
Povećana dostupnost savjetodavne i psihosocijalne podrške roditeljima;
Uspostavljena funkcionalna mreža saradnje sa udruženjima i predškolskim ustanovama;
Ojačane kompetencije kadra Službe za zapošljavanje za rad sa osobama s invaliditetom;
Formalno prepoznavanje osoba s invaliditetom kao ciljne grupe u programima zapošljavanja;
Unaprijeđena međuresorna povezanost sektora socijalne zaštite, obrazovanja i zapošljavanja.

Realizacijom aktivnosti iz nadležnosti Ministarstva za rad doprinijelo se ostvarenju očekivanih ishoda Posebnog programa u dijelu multisektorske saradnje, sistemskog pristupa i senzibilizacije društvene zajednice.

3. Izazovi i prepreke u realizaciji

Identificirani izazovi odnose se na:

potrebu za daljim jačanjem kadrovskih i materijalnih kapaciteta u odnosu na rastuće potrebe porodica;

razvoj jedinstvene sistemske baze podataka na nivou Kantona;

daljnje unapređenje koordinacije između sektora;

jačanje programa tranzicije mladih osoba s invaliditetom iz sistema obrazovanja u sistem zapošljavanja.

Uprkos navedenom, aktivnosti iz nadležnosti Ministarstva za rad, socijalnu politiku, raseljena lica i izbjeglice KS realizirane su u skladu sa Posebnim programom, planiranim rokovima i indikatorima.

II

U nastavku navodimo finansijski okvir tražene informacije koji se odnosi na KJU „Porodično savjetovanje“:

Ustanova je započela s radom novog programa „Rana intervencija“ u skladu sa Posebnim programom Mlade Kantona Sarajevo za interesorno unapređenje inkluzije u Kantonu Sarajevo.

U cilju realizacije navedenog programa, u decembru 2022. godine (12/22) izvršena je izmjena sistematizacije radnih mjesta. Tokom 2023. godine obezbijedena su finansijska sredstva za zapošljavanje novih 5 radnih mjesta neophodnih za nesmetano funkcionisanje programa.

Sredstva su utvrđena na osnovu realnih potreba koje iziskuje početak i kontinuirano provođenje usluge „Rana intervencija“. Ukupan iznos potrebnih sredstava iznosi **182.180,00 KM**.

Sredstva namijenjena za projekat raspoređena su na bruto plaće i naknade zaposlenih.

Ekonomski opisi	Opis	Potrebna sredstva (KM)
611000	Bruto plaće i naknade zaposlenih	145.000,00
611211	Prevoz na posao i s posla	3.180,00
611221	Topli obrok	17.750,00
611224	Regres na godišnji odmor	4.250,00
612000	Doprinosi poslodavca i ostali doprinosi	12.000,00
UKUPNO		182.180,00

Plaće, doprinosi i naknade obračunati su u skladu sa Zakonom o plaćama i naknadama u javnim ustanovama u Kantonu Sarajevo i važećim uredbama o naknadama, za pet zaposlenika koji su u 2023. godini zasnovali radni odnos na neodređeno vrijeme.

DODATNA SUFINANSIRANJA I PODRŠKA (PO GODINAMA)

2022. godina

Budžet Kantona Sarajevo:

Edukaciju zaposlenika u okviru programa „Rana intervencija“, usmjereni na podršku porodicama djece s teškoćama u razvoju. – **640,00KM**

2023. godina

- Transfer:
Nabavka kompjuterske opreme (5 kompletnih računara) – **4.978,00 KM**

2024. godina

- Transfer: **3.272,90 KM**
 - Sufinansiranje edukacije za zaposlenike
 - Sufinansiranje kotizacije za Kongres psihoterapeuta
- Budžet Kantona Sarajevo: **50.000,00 KM**
 - za nabavku kombi vozila (kreditno zaduženje)

2025. godina

- Resorno ministarstvo: **50.000,00 KM**
 - za nabavku kombi vozila
- Transfer: **2.425,00 KM**
 - Sufinansiranje edukacije za zaposlenika

Ukupna finansijska sredstva uložena u realizaciju programa „Rana intervencija“, uključujući troškove zaposlenika, nabavku kompjuterske opreme, edukacije zaposlenika te nabavku kombi vozila, iznose ukupno **293.495,90KM**.

Pet zaposlenika angažovani na realizaciji programa „Rana intervencija“ primljeni su u radni odnos na neodređeno vrijeme.(troškovi plata i naknada od 2023.godine).

Za eventualno druge informacije stojimo na raspolaganju.

Dostaviti:

-Naslovu
-a/a

